

OLEH MARRYAN RAZAN  
(marryan@newsabahtimes.com.my)

KOTA KINABALU: Universiti Malaysia Sabah (UMS) dan Yayasan Kebajikan Negara (YKN) menandatangani Memorandum Perjanjian Usahasama (MOA) untuk mewujudkan Pusat Hemodialisis pesakit buah pinggang.

Naib Canselor UMS Prof.Datuk Dr.Mohd Harun Abdullah berkata, Pusat Hemodialisis UMS-YKN itu yang terletak di Plaza Kingfisher Likas dijangka mula beroperasi pada Februari ini.

"Sebanyak 10 unit mesin hemodialisis disumbangkan oleh Yayasan Kebajikan Negara, akan ditempatkan di Pusat Dialisis UMS-YKN untuk kegunaan para pesakit buah pinggang.

"Saya berharap agar ikatan usahasama antara UMS dan YKN dapat dieratkan lagi pada masa hadapan untuk memberikan bantuan kebajikan kepada rakyat negara ini yang memerlukan rawatan hemodialisis," katanya.

Beliau berkata demikian ketika berucap pada majlis Menandatangani MOA Usahasama Pusat Hemodialisis UMS-YKN, di Bangunan Canselori UMS, di sini, kelmarin.

MOA ditandatangani diantara Mohd Harun dan Ketua Pegawai Eksekutif Yayasan Kebajikan Negara Dato Rafek Reshidullah dan disaksikan oleh Pendaftar UMS No'man Datuk Hj.Ahmad dan Ahli Lembaga

# UMS dan YKN tandatangi MOA wujudkan Pusat Hemodialisis

Pemegang Amanah Yayasan Kebajikan Negara Prof Dato' Sri Dr.Haji Abu Hassan Asaari Abdullah.

Turut hadir Timbalan Naib Canselor (Penyelidikan dan Inovasi) Prof.Dr.Sharil Yusof, Timbalan Naib Canselor (Hal Ehwal Pelajar dan Alumni) Prof Madya.Dr Ismail Ali dan Pemangku Dekan Fakulti Perubatan dan Sains Kesihatan Prof.Dr.Zainal Arifin Mustapha.

Mohd Harun berharap usaha murni UMS dan YKN mewujudkan Pusat Hemodialisis dapat membantu para pesakit yang memerlukan perkhidmatan ini.

"Saya berharap usaha murni antara UMS dan YKN ini dapat memberikan sumbangan yang tidak ternilai kepada masyarakat setempat dan dapat dipertingkatkan pada masa hadapan," katanya.

MOHD Harun (dua dari kiri) dan Rafek (dua dari kanan) menandatangani MOA, disaksikan oleh No'man (kiri sekali) dan Abu Hassan.



MOHD Harun (dua dari kiri) dan Rafek (dua dari kanan) bertukar dokumen perjanjian, disaksikan oleh No'man (kiri sekali) dan Abu Hassan.

